

Baggäsglück

Klöss hots dreimoll die wochn gäm  
wenn hot mä des letztmoll Baggäs gsäng  
Däbei woäs doch a altä Brauch  
Alla wochn köän Baggäs nein Bauch

Mä kann sa backn in reina Buttä  
Sän sa fäddich - bästräua mit Zuckä  
vo roha Kartoffl do schmeckn sa gut  
Obbä schnäll muss geh und bei hassa Glut

Mä kann sa ässn zä Zwätschgäbrei  
Mit Pfiffä oder a bloss mit an Ei  
Mä kann sa ässn zä jeda Stund  
Vowechä do zunehma - net a Pfund

Doch die junga Weibä mit iä riguä  
Die backn sa nämmä - do sän sa stuä  
und wie tönts dera goschn schmeckn  
Des Nesla noch dem Gärüchla reckn

Als frühä in der Schul die Madla  
mit kurza Röckla und Kladla  
Wie woän sa öft fräch und klaa  
Do hots Baggäs gem auf iä Baa

väleicht sän sa nuch net ganz vägässn  
die Baggäs auf die Baa und die zäm Ässn  
und bästimmt denkn mä amoll zärück  
On des schlichta Baggäsglück